

# VALPELLINE

## La complente de l'ano

Catsou i baou,  
To solétte  
Mezatto, mezatto.  
Lo mouro pe la retse.

Si beun que si pa dzen :  
N'i le bouigno tro lon,  
La queuvva tro queurta,  
L'étsin-a épelefrae.

É le coquette...  
Le coquette prèdza pa !  
Totte consemæ.

Si é ba pe le tsarie  
N'i melatoù de dreudze,  
De dzoalle, de fen,  
De pecaille.

Si pe la pouyà  
Tanque i mayèn.

Totta la viya n'i senti de bétize :  
Fou comme eungn ano,  
Titi comme eungn ano,  
Brâilli comme eungn ano,  
T'i pire queungn ano...

Aya,  
Si per lé,  
Pe s'amezé,  
Fan la fita a l'ano.

É mè si pa  
se déo riye ou ploé.

Ouè, le-z-ommo son gramo !  
L'è vrèi que si pasèn  
É n'i todiloùn gâgnoù mon betson

Mon queur  
L'è euncó site d'euntèn  
Can lo Bon Djeu l'è néissi...

É mè, lé protso,  
N'arió pousù lo toutsé...  
Pe lèi dée mersì.



lo gnalèi



Région Autonome  
**Vallée d'Aoste**  
Regione Autonoma  
**Valle d'Aosta**

Assessorat de l'Éducation  
et de la Culture  
Assessorato Istruzione  
e Cultura

Texte écrit par:  
Agnès Ansermin

Texte inédit - 2015  
Rédacteur : **Agnès Ansermin**  
Transcription : Guichet Linguistique